

第二五九册

明倫彙編

官常典

宗藩部

三
一
二
(卷)

古今圖書集成

中華書局影印

古今圖書集成
目錄

古今圖書集成

卷一百一十五

上古

青陽

卞

張

任

夷防風氏

尹城

唐

巫

昌黎

陶唐氏

邵

宋

中路

雷

有虞氏

有庠

緡

夏后氏

有尾氏

斟鄩氏

鄧

緡

形城氏

若水

青

采

南燕

蔑

安

司幽

蜀

大夏

商

丹

有虞氏

商

五觀

斟灌氏

斟氏

越

有男氏

褒氏

形氏

褒氏

褒氏

費氏 弗氏 刺氏 杞氏

辛氏 莘氏 冥氏 鄭氏

戈氏 洧氏 弋氏

鸛氏 沈氏

姒氏 弋氏

綸氏

商

蔓 苑

權 堂陽氏

黎 共

條氏 徐氏

蕭氏 索氏

長勺氏 尾勺氏

陶氏 施氏

繁氏 鍾氏

樊氏 饒氏

終葵氏 殷氏

來氏 空桐氏

雅氏 北殷氏

目夷氏 四時

茶 梅

定 巢

邳 同

髦 勃

段 瓦

鐵 沛

向 鮮虞

比

微

箕

官常典第二十五卷

宗藩部彙考十七

上古

青陽

黃帝有熊氏封元囂於青陽

按史記五帝本紀黃帝二十五子其得姓者十四人

黃帝居軒轅之丘而娶於西陵之女是為嫫祖嫫祖

為黃帝正妃生二子其後皆有天下其一曰元囂是

為青陽青陽降居江水

按路史黃帝有熊氏元妃西陵氏曰嫫祖生昌意元

囂龍苗元囂姬姓降居泝水生帝囂高辛氏

按史記元囂降居江水即泝水今之瀟水大戴

禮青陽降居泝水又誤以元囂為青陽也

若水

黃帝有熊氏封昌意於若水

按史記五帝本紀黃帝二十五子其得姓者十四人

黃帝居軒轅之丘而娶於西陵之女是為嫫祖嫫祖

居若水昌意娶蜀山氏女曰昌僕生高陽高陽有聖德焉

按路史黃帝有熊氏元妃西陵氏曰嫫祖生昌意元尊龍苗昌意就德遜居若水有子三人長曰乾荒次安季惘乾荒生帝顓頊是為高陽氏安處西土後曰安息惘遷北土後為堯項之辟為拓跋氏

注 姓書辯昌出昌意則昌或始封也然任後自有昌

顓頊高陽氏姬姓名曰顓頊黃帝氏之曾孫祖曰昌意黃帝之震適也行劣不似遜於若水娶蜀山氏曰景嫫生帝乾荒擢首而謹耳猥喙而渠股是襲若水娶蜀山氏曰樞是為河女所謂淳子也淳子感搖光於幽防而生顓頊渠頭併幹通肩帶午淵而有謀疏以知遠年十五而佐小昊封於高陽都始孤棘二十爰立乃徙商丘以故柳城衛僕皆為顓頊之虛

十 黃帝有熊氏封十明於十

按路史黃帝有熊氏元妃西陵氏曰嫫祖生昌意元尊龍苗龍苗生吾融為吾氏吾融生十明封於十為十氏十明弃其守降之南裔生白犬是為蠻人之祖

注 郭璞云十一作弔蓋古十字故司馬貞作算明爾史索作苗龍融吾皆非

青 黃帝有熊氏封清於青

按路史黃帝有熊氏次妃方纁氏曰節生休及清休繼黃帝者也是為帝鴻氏清次封清為紀姓是生小昊青陽氏 小昊青陽氏紀姓名質是為挈其父曰

清黃帝之第五子方纁氏之生也昨土於青是為青陽元為紀姓配干類氏曰娥居河之微逆星流槎奏便媚之樂樂而忘歸震而生質白帝子也既生其渚為陵秀外龍庭月縣通顯襲青陽以處雲陽故謚號以青陽亦曰雲陽氏以金寶曆色尚白故又曰金天氏 按此以青為青陽則元壽所封但會以江水及氐水為國今是編依正史以青陽屬元壽則清之分封但謂之青以別於元壽

張 黃帝有熊氏封揮於張

按路史黃帝有熊氏次妃彤魚氏生揮及夷彭揮次十五主造弧矢及司率咎受封於張

采 黃帝有熊氏封夷彭於采

按路史黃帝有熊氏次妃彤魚氏生揮及夷彭夷彭紀姓其子始封於采是為左人

任 黃帝有熊氏封禺陽於任

按路史黃帝有熊氏次妃嫫母兒惡德充帝內之是生蒼林禺陽禺陽封於任為任姓謝章舒洛昌剿終泉卑禺皆任分也後各以國令氏蒼林姬姓生始均是居北狄為始氏

南燕 黃帝有熊氏封伯儵於南燕

按路史黃帝有熊氏立后三妃子二十五別姓者十二祈酉膝箴任荷釐結儵依及二紀也餘循姬姓結姓伯儵封於南燕後有吉氏姑氏孔氏密須闕允蔡光敦偃燕魯雖斷密雖皆結分也後各以國令氏

史記國語皆作荷左傳隱公五年夏四月衛人以燕師伐鄭疏南燕國姑姓黃帝之後小國無世家不知其君號諡而路史以伯儵為姑姓之祖故錄南燕為黃帝宗藩按路史本註云南燕伯儵本結姓儵多作姑讀尹吉之吉

按通鑑前編外紀曰帝元妃西陵氏之女曰嫫祖生昌意元尊龍苗二妃方纁氏之女曰節生休及清三妃彤魚氏之女生揮及夷彭四妃曰嫫母貌惡德充生蒼林禺陽其衆妾之子十六人總四妃之子為二十有五其得姓者十有四人別為十二姓曰祁己滕箴任荀嬉姑儵依二姬二酉及有虞氏有天下封帝後為侯伯者十有九焉

夷 防風氏 帝鴻氏封白民於夷別為防風

按路史帝鴻氏釐姓是為帝休母方纁氏黃帝厭帝休是立生白民及嚳嚳生季格季格生帝魁白民銷姓降居於夷是為白民之祖

注 汲冢書有白民之國出乘黃其別為防風氏守封禺之間

蔑 少昊金天氏封倍伐於蔑

按路史小昊青陽氏元妃生倍伐降處緡淵既封蔑為蔑氏

尹城 少昊金天氏封般於尹城

按路史小昊青陽氏次妃生般為弓正是制弓矢主祀弧星封於尹城世掌官職

安 顓頊高陽氏封靈堅於安

按路史帝顓頊高陽氏娶鄒屠氏生禹祖及夢八人蒼舒伯益禱演大臨龐江寔堅中容叔達是爲八凱寔堅封安中音仲按顓頊氏之後封國甚多大舉皆在帝覺堯舜之世惟安不言所封故編爲宗譜

唐

帝覺高辛氏封堯於唐

按竹書紀年帝覺高辛氏卽位四十五年錫唐侯命

注母曰慶都赤龍感之孕十四月而生堯於丹陵及長身長十尺有聖德封於唐

按路史帝堯陶唐氏姬姓高辛氏之第二子也母陳豐氏曰慶都嘗觀三河之首赤帝顯圖奄然風雨慶都遇而萌之黃雲覆之震十有四月而生於丹陵曰堯是曰放勳身侔十尺豐下兌上龍顏日角八采三辟鳥庭荷勝琦表射出握嘉履聖靈息洞通聰明密微其言不貳其德不同仁如天智如神明如日而晦如陰好謀能深和而不怒憂而畏禍快而愉年有十三佐摯封植受封於陶明人察物昭義崇仁禁詐僞正法度不廢窮民不赦亡告苦死者而哀婦人底德靡解百姓和欣於是改國於唐年十有七讓以侯伯恢踐帝曰陶唐氏

按通鑑前編目史記本紀曰帝姓伊耆名放勳帝覺

高辛氏之子帝摯之弟黃帝軒轅氏之曾孫也帝母

陳鋒氏女曰慶都爲高辛氏妃感赤龍之祥孕十有

四月而生帝於丹陵育於母家伊侯之國後徙耆故

曰伊耆氏年十有三佐帝摯封植受封於陶年十有

五復封於唐爲唐侯摯在位九年荒淫暴虐天人厭

棄之諸侯尊帝爲天子年十有六踐天子之位於平

陽按史記本紀與此互異

司幽

帝覺高辛氏封晏龍子司幽

按路史帝覺高辛氏次妃有陳氏曰常羲生太子慶及月十二八元實沈閼伯晏龍叔戲巫人續牙狀越也晏龍事虞爲納言是主琴瑟生司幽是爲司幽之國

巫

帝覺高辛氏封巫人於巫

按路史帝覺高辛氏次妃有陳氏曰常羲生太子慶及月十二八元實沈閼伯晏龍叔戲巫人續牙狀越也巫人封巫爲巫氏生裁民裁民盼姓

蜀

帝覺高辛氏封少子於蜀

按路史高辛氏以其少子封蜀 帝覺高辛氏次妃有陳氏曰常羲生太子慶及月十二八元實沈閼伯晏龍叔戲巫人續牙狀越也巫人封巫爲巫氏生裁民裁民盼姓其侯於蜀者更生號後分宜

昌黎

帝覺高辛氏封狀越於昌黎

按路史帝覺高辛氏次妃有陳氏曰常羲生太子慶及月十二八元實沈閼伯晏龍叔戲巫人續牙狀越也高辛游海濱過棘城關顓頊之虛樂之暨其歸居狀越於昌黎邑於紫蒙之野

陶唐氏

郃

帝堯封棄於郃

按詩經大雅厥初生民時維姜嫄生民如何克禋克祀以弗無子履帝武敏歆攸介攸止載震載風載生載育時維后稷誕彌厥月先生如達不圻不副無苗無害以赫厥靈上帝不寧不康禋祀居然生子誕寘之隘巷牛羊腓字之誕寘之平林會伐平林誕寘之寒冰鳥覆翼之鳥乃去矣后稷呱矣實覃實訐厥聲載路誕實匍匐克岐克嶷以就口食執之桂枝桂枝施施不役稷穡麻麥懷懷瓜瓞嗟嗟后稷之穡有相之道蕝厥豐草種之黃茂實方實苞實種實稟實發實秀實堅實好實穎實栗卽有邵家室誕降嘉種維秬維秠維糜維芑恆之秬秠是穫是畝恆之康芑是任是負以歸肇祀誕我祀如何或春或揄或簸或蹂釋之叟叟烝之浮浮載謀載載惟取蕭祭脂取粃以載載燔載烈以興嗣歲卽盛于豆于豆于登其香始升上帝居歆胡臭亶時后稷肇祀庶無罪悔以迄于今

傳

郃姜嫄之國也堯見天因郃而生后稷故國后稷於郃命使事天以顯神順天命耳義以此成功

堯故封於郃就其成國之家室無變更也義此郃爲后稷之母家其國當自有君所以得封后稷者

或時君絕滅或遷之他所也中候握河紀云堯卽政七十年受河圖其末云斯封稷契皋陶賜姓號

注云或云七十二年斯此封三臣止言封號不道其時功成卽封此言成功蓋治水畢後地平天成

之時也稷之功成實在堯世其封於郃必是堯之

封矣故此箋及傳皆以爲堯

按史記周本紀周后稷名棄其母有郃氏女曰姜原

明倫彙編官常典第二十五卷宗藩部

姜原爲帝嚳元妃生棄棄爲兒時其遊戲好種麻菽麻菽美及爲成人遂好耕農相地之宜宜穀者稼穡焉民皆法則之帝堯聞之舉棄爲農師天下得其利有功帝舜曰棄黎民阻饑爾后稷播時百穀封棄於郃號曰后稷別姓姬氏

按路史帝嚳高辛氏上妃有駘氏曰姜嫄清淨專一而好稼穡衣帝衣履帝敏居期而生弃弃惟元子披頤象元弃之每異嫄乃收之爰名曰弃而字之曰度辰性敦而仁戲惟稷黍長研耕稼爲唐天官乃國之祭號后稷

注 蔡與郃同武功郃城是

帝堯陶唐氏在位七十三載名舜而命以位正月上日授終於天府而遂老焉於是修壇河洛擇良議沈仲月辛日昃明禮備榮光出河休氣四塞歲仲春率百工沈璧於洛且告禮事禮聖姑射拜師沮洳陞首山道河渚遇五老而濟焉乃賞侯伯封弃 帝舜有虞氏申錫羣后封弃百里之貽賜姓妣氏益命以爲公

按尚書堯七十載四岳薦舜又三載使陟帝位舜遂班瑞華后是時如襲契者詳已封矣至舜時申錫之耳沈諸書自明授契於唐堯爲同父故編入宗譜與他隔朝受封者別

商

帝堯封契於商

按詩經商頌元鳥篇天命元鳥降而生商

箋 配遺卵娥氏之女簡狄吞之而生契爲堯司徒有功封商堯知其後將興又錫其姓焉

按長發篇濬哲維商長發其祥洪水芒禹敷下土方外大國是疆幅員既長有城方將帝立子生商

箋 帝黑帝也禹敷下土之時有娥氏之國亦始廣

大有女簡狄吞配卵而生契堯封之於商

元王桓撥受小國是達受大國是達率履不越遂視既發

傳 始堯封之商爲小國舜之末年乃益其土地爲大國皆能達其教令

疏 知堯封爲小國舜益爲大國者中候握河紀說堯云斯封稷契皋陶賜姓號

是堯封之也考河命說舜之事云褒賜羣臣賞爵有功稷契皋陶益土地是舜益地爲大國也自殷

以上大國百里握河紀注云稷契公也公卽周禮三公八命其出封加一等然則堯之封契已應百

里便是土地之極而又益之者以其身有大功特加褒如周之賜魯衛之屬越禮特賜既賜之後不

必止於百里而已

按史記殷本紀殷契母曰簡狄有娥氏之女爲帝嚳次妃生契契長而佐禹治水有功帝舜乃命契曰百姓不親五品不訓汝爲司徒而敬敷五教五教在寬

封於商賜姓子氏

按路史帝嚳高辛氏次妃有娥氏曰簡狄仁而有禮飲食必鼓感乙致胎福而生禹禹契也聰明而仁堯

命司徒使布五教而民輯及虞不廢是以受商賜姓子氏商人謂之元王

注 所封乃華陰鄭縣有樂都城故潘邑也世本謂契居蕃是矣中候握河紀云弃契皆堯封長發箋

云堯小封舜末年益爲大妄也

帝堯陶唐氏在位七十三載名舜而命以位正月上日授終於天府而遂老焉於是修壇河洛擇良議沈

仲月辛日昃明禮備榮光出河休氣四塞越歲仲春

率百工沈璧於洛且告禮事禮聖姑射拜師沮洳陞首山道河渚遇五老而濟焉乃賞侯伯封契

注 世本始封稷契皋陶褒進伯禹

帝舜有虞氏申錫羣后封契七十里之商賜姓子氏益命以爲公

宋

帝堯封閼伯於宋

按左傳昭公元年子產曰昔高辛氏有二子伯曰閼伯季曰實沈居於曠林不相能也日尋干戈以相征討后帝不臧遷閼伯於商丘主辰商人是因故辰爲

商星

注 后帝謂堯也

按路史帝嚳高辛氏次妃有厥氏曰常羲生太子慶及月十二元實沈閼伯晏龍叔戲巫人續牙狀越

也實沈閼伯居曠林干戈日尋后帝不臧遷閼於宋是爲商 帝堯陶唐氏命遏伯長火居商丘祀大辰

而火紀時焉是食於心故因其出入而望之以修其官而戒民事

大夏

帝堯封實沈於大夏

按左傳昭公元年子產曰昔高辛氏有二子伯曰閼伯季曰實沈居於曠林不相能也日尋干戈以相征討后帝不臧遷實沈於大夏主參唐人是因以服事

夏商

注 后帝謂堯也

按路史帝嚳高辛氏次妃有厥氏曰常羲生太子慶及月十二元實沈閼伯晏龍叔戲巫人續牙狀越

也實沈閼伯居曠林干戈日尋后帝不臧遷沈於大夏是爲參

中路

帝堯封摯子於中路

按路史高辛崩而帝堯立襲高辛氏帝堯之立不善九載以其仲立是爲堯有子元元堯封之於中路歷夏侯服

注康音致摯立九年而唐侯德盛因禪焉

丹

帝堯封子朱於丹

按路史帝堯陶唐氏初娶富宜氏曰皇生朱驚偃娵克兄弟爲閼諱訟嫚遊而朋淫帝悲之爲制弈棋以閑其情使出就丹

雷

帝堯封庶子於雷

按路史丹朱之兄考監明先死而不得立庶弟九其封於雷者爲雷氏

有虞氏

有庫

帝舜封弟象於有庫

按史記五帝本紀舜踐帝位封弟象爲諸侯

按路史帝舜踐天子位建弟象於有庫

注界昌邑王賀傳作鼻或作虞

按通鑑前編虞帝舜元載封弟象於有庫

目通志曰舜既踐位封其弟象於有庫象雖爲諸侯不得爲政天子使吏治其民而納其貢賦焉

商

帝舜封子義均於商

按竹書紀年二十九年帝命子義均封於商

按路史帝妃女嚳生義均及季釐義均封於商是爲商均是喜歌舞按堯封契於商而舜申錫之又遷商是爲商舜又封子均於商丘路史云遷闕於宋之際共有三商未審各居何地

緡

帝舜封子季釐於緡

按路史帝舜妃女嚳生義均及季釐季釐封緡

夏后氏

有扈氏

夏后氏分封有有扈氏

按史記夏本紀贊太史公曰禹爲姁姓其後分封用國爲姓故有有扈氏

帝啓二歲伐有扈

按書經甘誓大戰于甘乃召六卿王曰嗟六事之人予誓告汝有扈氏威侮五行怠棄三正天用勦絕其命今予惟恭行天之罰左不攻于左汝不恭命右不攻于右汝不恭命御非其馬之正汝不恭命用命賞于祖不用命戮于社予則孥戮汝

疏有扈國名夏同姓馬云姁姓之國爲無道者京兆郭縣即有扈之國也甘有扈郊地名馬云南郊地也甘水名今在郭縣西

按竹書紀年帝啓二年王帥師伐有扈大戰於甘

帝啓四歲有扈氏來享滅之

按路史啓繼世有天下戶氏不恭信相失度威侮五行怠棄三正帝乃遷廟與有戶大戰甘澤乃召六卿而誓整軍實以伐之不勝六卿請攻之帝曰不可吾

地非淺民非寡也兵刀接焉而不勝是吾德薄而教不善也何以伐爲於是殷師琴瑟不張鐘弗撞鼓弗攷不因席不仍味親親長長尊賢委能隱神期月而戶來享遂滅之復昭夏功

五觀

帝啓封子五人於衛爲五觀

按路史帝啓在位十有六歲年九十一子太康立厥弟五人分封於衛是爲五觀

注楚語觀射父云夏有五觀與朱均管蔡並列知爲姁姓

帝啓十一歲放王子季子武觀於西河

按竹書紀年云云

注武觀即五觀也觀國今頓丘衛縣

帝啓十五歲武觀以西河叛彭伯壽師師征西河武觀來歸

按竹書紀年云云

帝太康元歲帝遊洛表五觀胥怨

按書經五子之歌太康尸位以逸豫滅厥德黎民咸貳乃盤遊無度畋于有洛之表十旬弗反有窮后羿

因民弗忍距于河厥第五人御其母以從後于洛之洧五子咸怨述大禹之戒以作歌其一曰皇祖有訓民可近不可下民惟邦本本固邦寧予視天下愚夫愚婦一能勝予一人三失怨豈在明不見是圖予臨兆民懷乎若朽索之馭六馬爲人上者奈何不敬其

二曰訓有之內作色荒外作禽荒甘酒嗜音峻宇雕牆有一于此未或不亡其三曰惟彼陶唐有此冀方今失厥道亂其紀綱乃底滅亡其四曰明明我祖萬

今失厥道亂其紀綱乃底滅亡其四曰明明我祖萬

今失厥道亂其紀綱乃底滅亡其四曰明明我祖萬

邦之君有典有則詒厥子孫關石和鈞王府則有荒
壁厥緒覆宗絕祀其五曰嗚呼曷歸予懷之悲萬姓
仇予予將瞻依鬱陶乎予心顏厚有忸怩弗慎厥德
雖悔可追按五觀為太康弟則五子為五觀無疑而
竹書紀年所紀似止一人且不相關武與
五字亦互異注謂武觀
即五觀姑依年編入

按竹書紀年帝太康元年即位居斟鄩敗於洛表
按路史雅德曰太康失邦五觀胥怨

斟鄩氏

夏后氏之後分封有斟鄩氏

按史記夏本紀贊太史公曰禹為姒姓其後分封用
國為姓故有斟鄩氏斟氏

徐廣曰一云斟氏鄩氏

帝太康元歲帝居斟鄩敗於洛表羿入居之

按竹書紀年太康元年癸未帝即位居斟鄩敗於洛
表羿入居斟鄩

帝仲康元歲帝居斟鄩

按竹書紀年仲康元年己丑帝即位居斟鄩

帝仲康七歲世子相出依斟灌斟鄩

按竹書紀年仲康七年陟世子相出居商丘依同姓
諸侯斟灌斟鄩

帝相二十七歲澆伐斟鄩大戰於澆覆其舟滅之

按竹書紀年二云

斟灌氏 斟氏按史記夏本紀贊有斟鄩氏斟
氏而無斟灌氏左傳竹書但有
斟灌二斟無斟氏意斟氏
非斟即灌故附列於此

帝仲康七歲世子相出依斟灌斟鄩

按竹書紀年仲康七年陟世子相出居商丘依同姓
諸侯斟灌斟鄩

帝仲康九歲相居於斟灌

按竹書紀年云云

帝相二十六歲寒泥滅斟灌

按左傳襄公四年魏絳曰寒泥因羿室生澆及豷恃
其讒愿詐偽而不德於民使澆用師滅斟灌及斟尋
氏

海平壽縣東南有斟亭

按二國夏同姓諸侯樂安壽光縣東南有灌亭北

按哀公元年伍員曰昔有過澆殺斟灌以伐斟鄩滅

夏后相

斟灌

按竹書紀年帝相二十六年寒泥使其子澆帥師滅

斟灌之墟是為帝丘

按通鑑前編帝丘衛地斟灌亦衛地相居帝丘與斟

灌相近非居於斟灌也

帝仲康封支子於鄩

按路史帝仲康支子封鄩

越

帝少康封庶子無餘於越

按史記越王勾踐世家越王勾踐其先禹之苗裔而

夏后少康之庶子也封於會稽以奉守禹之祀文身

斷髮披草萊而邑焉

賀循會稽記云少康其少子號曰於越越國之

稱始此越絕記云無餘都會稽山南故越城是也

按吳越春秋啓即天子之位治國於夏使使以歲時

春秋而祭禹於越立宗廟於南山之上禹以下六世

而得帝少康少康恐禹祭之絕祀乃封其庶子於越

號曰無餘無餘始受封人民山居雖有鳥田之利租

貢纔給宗廟祭祀之費乃復隨陵陸而耕種或逐禽

鹿而給食無余質朴不設宮室之飾從民所居春秋

祀禹墓於會稽

帝杼封弟曲列於繪

按史記夏本紀贊太史公曰禹為姒姓其後分封用

國為姓故有繪氏

按路史帝杼即位五歲征東海伐三壽乃封其仲曲

列於繪

有男氏

夏后氏之後分封有男氏

按史記夏本紀贊太史公曰禹為姒姓其後分封用

國為姓故有男氏

系本男作南

形城氏 形氏按形氏意即形城氏
之支族故附於此

夏后氏之後分封有形城氏

按史記夏本紀贊太史公曰禹為姒姓其後分封用

國為姓故有形城氏

注 周有形伯蓋形城氏之後

按路史禹初姒姓其後分封以國為氏故有形氏形

城氏

褒氏

夏后氏之後分封有褒氏

按史記夏本紀贊太史公曰禹為姒姓其後分封用

國為姓故有褒氏

夏后氏之後分封有褒氏

按史記夏本紀贊太史公曰禹為姒姓其後分封用

國為姓故有褒氏

諸侯斟灌斟鄩

國爲姓故有褒氏

費氏 弗氏 剌氏 按系本費作弗則弗刺意皆費之支族故附錄於此

夏后氏之後分封有費氏

按史記夏本紀贊太史公曰禹爲姒姓其後分封用國爲姓故有費氏

注 系本費作弗

按路史禹初姒姓其後分封以國爲氏有弗氏刺氏

杞氏 按杞爲周三恪之國意夏時已封有杞歟

夏后氏之後分封有杞氏

按史記夏本紀贊太史公曰禹爲姒姓其後分封用國爲姓故有杞氏

辛氏 莘氏 按辛與莘本爲國故附莘於辛

夏后氏之後分封有辛氏

按史記夏本紀贊太史公曰禹爲姒姓其後分封用國爲姓故有辛氏

按路史太康弟五人分封於衛是爲五觀其支於莘者爲莘氏辛氏姓氏觀氏卜氏

注 楚有觀氏世掌問卜

冥氏 鄭氏 按鄭氏意卽冥氏支族故附鄭於冥

夏后氏之後分封有冥氏

按史記夏本紀贊太史公曰禹爲姒姓其後分封用國爲姓故有冥氏

按路史禹初姒姓其後分封以國爲氏有冥氏鄭氏

戈氏

夏后氏之後分封有戈氏

按史記夏本紀贊太史公曰禹爲姒姓其後分封用國爲姓故有戈氏

帝相二十歲寒浞滅戈

按竹書紀年云云

泊氏

夏后氏之後分封有泊氏

按路史禹初姒姓其後分封以國爲氏有泊氏

鬻氏

夏后氏之後分封有鬻氏

按路史禹初姒姓其後分封以國爲氏有鬻氏

沈氏

夏后氏之後分封有沈氏

按路史禹初姒姓其後分封以國爲氏有沈氏

姒氏 按禹初姒姓意當時亦封有國

夏后氏之後分封有姒氏

按路史禹初姒姓其後分封以國爲氏有姒氏

弋氏 按公羊傳以魯夫人定姒爲定弋定姒乃呂女意皆卽弋國之後

夏后氏之後分封有弋氏

按路史禹初姒姓其後分封以國爲氏有弋氏

綸氏

夏后氏之後分封有綸氏

按路史禹初姒姓其後分封以國爲氏有綸氏

商

武丁封季父於河北曼曰曼侯

按路史云云

苑

祖庚封弟文於苑

按路史云云

權

祖庚封子於權

按路史云云 按左傳杜註南都當陽縣東南有權城

堂陽氏

太丁侯母弟堂陽爲堂陽氏

按路史云云

黎

商分封同姓黎爲圻內諸侯

按書經西伯戡黎西伯既戡黎祖伊恐奔告于王

傳 近王圻之諸侯在上黨東北

按路史黎子國也西伯戡黎武王復以封湯後黎侯

豐舒奄之有黎氏黎氏 按黎爲子國子商姓也

共

商分封同姓有共國

按詩經密人不恭敢距大邦侵阮阻共

傳 密須氏侵阮遂往侵共

按路史共子國也 共子姓國

條氏

商分封同姓有條氏

按左傳定公四年衛子魚曰昔武王克商成王定之

選建明德以藩屏周分魯公以殷民條氏

按路史注條氏商族分封後爲民

徐氏

商分封同姓有徐氏

按左傳定公四年衛子魚曰昔武王克商成王定之

選建明德以藩屏周分魯公以殷民徐氏

按路史注徐氏商族分封後爲民

蕭氏

商分封同姓有蕭氏

按左傳定公四年衛子魚曰昔武王克商成王定之

選建明德以藩屏周分魯公以殷民蕭氏

按路史蕭子國也蕭子姓國

注蕭氏商族分封後爲民

索氏

商分封同姓有索氏

按左傳定公四年衛子魚曰昔武王克商成王定之

選建明德以藩屏周分魯公以殷民索氏

按路史索子國也索子姓國

注索氏商族分封後爲民

長勺氏

商分封同姓有長勺氏

按左傳定公四年衛子魚曰昔武王克商成王定之

選建明德以藩屏周分魯公以殷民長勺氏

按路史注長勺氏商族分封後爲民

尾勺氏

商分封同姓有尾勺氏

按左傳定公四年衛子魚曰昔武王克商成王定之

選建明德以藩屏周分魯公以殷民尾勺氏

按路史注尾勺氏商族分封後爲民

陶氏

商分封同姓有陶氏

按左傳定公四年衛子魚曰昔武王克商成王定之

選建明德以藩屏周分康叔以殷民陶氏

按路史注陶氏商族分封後爲民

施氏

商分封同姓有施氏

按左傳定公四年衛子魚曰昔武王克商成王定之

選建明德以藩屏周分康叔以殷民施氏

按路史施子國也施子姓國

注施氏商族分封後爲民

繁氏

商分封同姓有繁氏

按左傳定公四年衛子魚曰昔武王克商成王定之

選建明德以藩屏周分康叔以殷民繁氏路史一作繁

按路史繁子國也繁子姓國

注繁氏商族分封後爲民

錡氏

商分封同姓有錡氏

按左傳定公四年衛子魚曰昔武王克商成王定之

選建明德以藩屏周分康叔以殷民錡氏

按路史注錡氏商族分封後爲民

樊氏

商分封同姓有樊氏

按左傳定公四年衛子魚曰昔武王克商成王定之

選建明德以藩屏周分康叔以殷民樊氏

按路史注樊氏商族分封後爲民

饒氏

商分封同姓有饒氏

按左傳定公四年衛子魚曰昔武王克商成王定之

選建明德以藩屏周分康叔以殷民饒氏

按路史饒子國也饒子姓國

注饒氏商族分封後爲民

終葵氏

商分封同姓有終葵氏

按左傳定公四年衛子魚曰昔武王克商成王定之

選建明德以藩屏周分康叔以殷民終葵氏

按路史終葵氏商族分封後爲民

股氏

商分封同姓有股氏

按史記股本紀贊太史公曰余以頌次契之事自成

湯以來采於詩書契爲子姓其後分封以國爲姓有

股氏

來氏

商分封同姓有來氏

按史記股本紀贊太史公曰余以頌次契之事自成

湯以來采於詩書契爲子姓其後分封以國爲姓有

來氏

按路史來子國也商國榮侯與太公爭營丘及齊復

入萊共公浮柔奔棠晏弱遷之郕

空桐氏

商分封同姓有空桐氏

按史記股本紀贊太史公曰余以頌次契之事自成

湯以來采於詩書契爲子姓其後分封以國爲姓有

空桐氏

稚氏

商分封同姓有稚氏

按史記股本紀贊太史公曰余以頌次契之事自成

湯以來采於詩書契爲子姓其後分封以國爲姓有

稚氏

按路史稚子國也稚子姓國

北殷氏

商分封同姓有北殷氏

按史記殷本紀贊太史公曰余以頌次契之事自成湯以來采於詩書契爲子姓其後分封以國爲姓有北殷氏

目夷氏

商分封同姓有目夷氏

按史記殷本紀贊太史公曰余以頌次契之事自成湯以來采於詩書契爲子姓其後分封以國爲姓有目夷氏

四時

商分封同姓有四時國

按路史四時子國也四時子姓國

茶

商分封同姓有茶國

按路史茶子國也茶子姓國

梅

商分封同姓有梅國

按路史梅子國也梅伯受醢之梅子姓國

定

商分封同姓有定國

按路史定子國也定子姓國

巢

商分封同姓有巢國

按竹書紀年武王十三年巢伯來賓按武王於十三年來賓則商封可知左傳杜註巢吳楚間小國廬江六縣東有居巢城

按路史巢子國也吳滅之巢子姓國

按路史巢子國也吳滅之巢子姓國

邳

商分封同姓有邳國

按路史邳子國也邳子姓國

同

商分封同姓有同國

按路史同子國也同子姓國

髦

商分封同姓有髦國

按路史髦子國也髦子姓國

扈

商分封同姓有扈國

按路史扈子國也扈子姓國

段

商分封同姓有段國

按路史段子國也段子姓國

瓦

商分封同姓有瓦國

按路史瓦子國也瓦子姓國

鐵

商分封同姓有鐵國

按路史鐵子國也鐵子姓國

沛

商分封同姓有沛國

按路史沛子國也沛子姓國

向

商分封同姓有向國

按路史向子國也向子姓國

鮮虞

商分封同姓有鮮虞國

按路史鮮虞子國也按鮮虞子姓國而杜預註左傳謂爲白狄別種在中山新市縣

意亦如姬姓之有戎也

比

商分封王子于比

按史記宋微子世家王子比干者紂之親戚也見箕子諫不聽而爲奴則曰君有過而不以死爭則百姓何辜乃直言諫紂怒曰吾聞聖人之心有七竅信有諸乎乃遂殺王子比干剝視其心

按路史比子國也比干則受剖之比干死子堅逋長

難林爲王氏林氏

箕

商分封胥餘於箕

按史記宋微子世家箕子者紂親戚也紂始爲象箸箕子歎曰彼爲象箸必爲玉楮爲玉楮則必思遠方珍怪之物而御之矣輿馬宮室之漸自此始不可振也紂爲淫泆箕子諫不聽人或曰可以去矣箕子曰爲人臣諫不聽而去是彰君之惡而自說於民吾不忍爲也乃披髮佯狂而爲奴遂隱而鼓琴以自悲故傳之曰箕子操武王既克殷訪問箕子封箕子於朝鮮而不臣其後箕子朝周過故殷虛感宮室毀壞生禾黍箕子傷之欲哭則不可欲泣爲其近婦人乃作麥秀之詩以歌詠之其詩曰麥秀漸漸兮禾黍油油

彼狡僇兮不與我好兮所謂狡僇者紂也殷民聞之皆爲流涕

注馬融曰箕國名也子爵也索隱曰司馬彪曰箕子名胥餘王肅以箕子爲紂之諸父服虔杜預以爲紂之庶兄杜預云梁國蒙縣有箕子冢

微

帝乙封元子啓於微

按書經微子

傳孔微畿內國名子爵爲紂卿士

微子若曰父師少師殷其弗或亂正四方我祖底遂陳于上我用沈酗于酒用亂敗厥德于下殷罔不小大好草竊姦充卿士師師非度凡有辜罪乃罔恆獲小民方與相爲敵讎今殷其淪喪若涉大水其無津涯殷遂喪越至于今日父師少師我其發出狂吾家毫遜于荒今爾無指告予顛隲若之何其父師若曰

王子天毒降災荒殷邦方典沈酗于酒乃罔畏咎其耆長舊有位人今殷民乃攘竊神祇之犧牲牲用以容將食無災降監殷民用乂讎斂召敵讎不怠罪合于一多瘠罔詔商今其有災我興受其敗商其淪喪我罔爲臣僕詔王子出迪我舊云刻子王子弗出我乃顛隲自靖人自獻于先王我不顧行逕

按家語本姓解微子啓帝乙之元子紂之庶兄以圻

內諸侯入爲王卿士

按史記宋微子世家微子啓者殷帝乙之首子而紂

之庶兄也紂既立不明淫亂於政微子數諫紂不聽

及祖伊以周西伯昌之修德滅圻國懼禍至以告

紂紂曰我生不有命在天乎是何能爲於是微子度

紂終不可諫欲死之及去未能自決乃問於太師少

師太師曰今誠得治國國治身死不恨爲死終不得

治不如去遂亡紂爲淫佚箕子諫不聽乃披髮佯狂

而爲奴王子比干直言諫紂怒殺王子比干刳視其心微子曰父子有骨肉而臣主以義屬故父有過子三諫不聽則隨而號之人臣三諫不聽則其義可

以去矣於是太師少師乃勸微子去遂行周武王伐紂克殷微子乃持其祭器造於軍門肉袒面縛左牽羊右把茅膝行而前以告於是武王乃釋微子復其位如故武王封紂子武庚祿父以續殷祀使管叔蔡叔傅相之武王崩成王少周公旦代行政當國管蔡疑之乃與武庚作亂欲襲成王周公周公既承王命誅武庚殺管叔放蔡叔乃命微子啓代殷後奉其先祀作微子之命以申之國於宋

注索隱曰按尚書以爲殷王元子而是紂之兄呂

氏春秋云生微子時母猶爲妾及爲妃而生紂故

微子爲紂同母庶兄

欽定古今圖書集成明倫彙編官常典
第二十六卷目錄

宗藩部彙考十八

周一

吳一

官常典第二十六卷

宗藩部彙考十八

周一

吳一

武王克商封仲雍後周章於吳
按史記吳太伯世家太伯太伯弟仲雍皆周太王之子而王季歷之兄也季歷賢而有聖子昌太王欲立季歷以及昌於是太伯仲雍二人乃犇荆蠻文身斷髮示不可用以避季歷季歷果立是為王季而昌為文王太伯之犇荆蠻自號句吳荆蠻義之從而歸之千餘家立為吳太伯太伯卒無子弟仲雍立是為吳仲雍仲雍卒子季簡立季簡卒子叔達立叔達卒子周章立是時周武王克殷求太伯仲雍之後得周章周章已君吳因而封之周章卒子熊遂立熊遂卒子柯相立柯相卒子疆鳩夷立疆鳩夷卒子餘橋疑吾立餘橋疑吾卒子柯盧立柯盧卒子周繇立周繇卒子屈羽立屈羽卒子夷吾立夷吾卒子禽處立禽處卒子轉立轉卒子頗高立頗高卒子句卑立是時

晉獻公滅周北虞公以開晉伐號也句卑卒子去齊立去齊卒子壽夢立

按吳越春秋古公三子長曰太伯次曰仲雍雍一名吳仲少曰季歷季歷娶妻太任氏生子昌昌有聖瑞古公知昌聖欲傳國以及昌曰與王業者其在昌乎因更名曰季歷太伯仲雍望風知指曰歷者適也知古公欲以國及昌古公病二人託名採藥於衡山遂之荆蠻斷髮文身為夷狄之服示不可用古公卒太伯仲雍歸赴喪畢還荆蠻國民君而事之自號為句吳吳人或問何像而為句吳太伯曰吾以伯長居國絕嗣者也其當有封者吳仲也故自號句吳非其方乎荆蠻義之從而歸之者千有餘家共立以為句吳數年之間民人殷富遭殷之末世衰中國侯王數用兵恐及於荆蠻故太伯起城周二里二百步外郭三百餘里在西北隅名曰故吳人民皆耕田其中古公病將卒令季歷讓國於太伯而三讓不受故云太伯三以天下讓於是季歷蒞政修先王之業守仁義之道季歷卒子昌立號曰西伯遵公劉古公之術業於養老天下歸之西伯致太平伯夷自海濱而往西伯卒太子發立任周召而伐殷天下已安乃稱王追諡古公為太王追封太伯於吳太伯祖卒葬於梅里平墟仲雍立是為吳仲雍仲雍卒子季簡簡子叔達達子周章章子熊熊子遂遂子柯相相子疆鳩夷夷子餘橋疑吾吾子柯盧盧子周繇繇子屈羽羽子夷吾吾子禽處處子專專子頗高高子句卑立是時晉獻公滅周北虞虞公以開晉之伐號氏畢子去齊齊子壽夢立而吳益彊稱王凡從太伯至壽夢之世與中

國時通朝會而國斯霸焉壽夢元年朝周適楚觀諸侯禮樂曾成公會於鍾離深問周公禮樂成公悉為陳前王之禮樂因為咏歌三代之風壽夢曰孤在夷蠻徒以椎髻為俗豈有斯之服哉因嘆而去曰於乎哉禮也

按注何像
疑作何據

簡王二年春正月吳伐鄭秋八月吳入州來
按春秋成公七年 按左傳七年春吳伐鄭鄭成季文子曰中國不振旅蠻夷入伐而莫之或恤無弔者也夫詩曰不弔昊天亂靡有定其此之謂乎有上不弔其誰不受亂吾亡無日矣君子曰知懼如是斯不亡矣楚圍宋之役師還子重請取於申呂以為賞田王許之申公巫臣曰不可此申呂所以邑也是以為賦以御北方若取之是無申呂也晉鄭必至於漢王乃止子重是以怨巫臣子反欲取夏姬巫臣止之遂取以行子反亦怨之及共王即位子重子反殺巫臣之族子閭子蕩及清尹弗忌及襄老之子黑要而分其室子重取子閭之室使沈尹與王子罷分子蕩之室子反取黑要與清尹之室巫臣自晉遺二子書曰爾以讒慝貪恤事君而多殺不辜余必使爾罷於奔命以死巫臣請使於吳晉侯許之吳子壽夢說之乃通吳於晉以兩之一卒適吳舍偏兩之一焉與其射御教吳乘車教之戰陳教之叛楚寘其子孤庸焉使為行人於吳吳始伐楚伐巢伐徐子重奔命馬陵之會吳入州來子重自鄭奔命于子重子反於是乎一歲七奔命蠻夷屬於楚者吳盡取之是以始大通吳於上國

注 上國諸夏

按史記吳太伯世家壽夢立而吳始益大稱王自太伯作吳五世而武王克殷封其後爲二其一虞在中國其一吳在夷蠻十二世而晉滅中國之虞中國之虞滅二世而夷蠻之吳興大凡從太伯至壽夢十九世王壽夢二年楚之亡大夫申公巫臣怨楚將子反而奔晉自晉使吳敎吳用兵乘車令其子爲吳行人吳於是始通於中國吳伐楚

簡王十年冬十一月晉士燮齊高無咎宋華元魯叔孫僑如衛孫林父鄭公子鮪邾人會吳于鍾離

按春秋成公十五年 按左傳十五年冬十一月會吳于鍾離始通吳也

吳于鍾離始通吳也

靈王二年春楚公子嬰齊帥師伐吳夏六月己未單子晉侯宋公魯侯衛侯鄭伯莒子邾子齊世子光同盟于雞澤

盟于雞澤

按春秋襄公三年 按左傳三年春楚子重伐吳爲簡之師克鳩茲至於衡山使鄧廖帥組甲三百被練

三千以侵吳吳人要而擊之獲鄧廖其能免者組甲八十被練三百而已子重歸既飲至三日吳人伐楚取駕駕良邑也鄧廖亦楚之良也君子謂子重於是役也所獲不如所亡楚人是以答子重子重病之遂

遇心疾而卒夏晉爲鄭服故且欲修吳好將合諸侯使士句告於齊曰寡君使句以歲之不易不虞之不戒寡君願與一二兄弟相見以謀不協諸君臨之使

句乞盟齊侯欲勿許而難爲不協乃盟於郕外六月公會單頃公及諸侯己未同盟于雞澤晉侯使荀會

逆吳子於淮上吳子不至

按史記吳太伯世家王壽夢十六年楚共王伐吳至

衡山

靈王四年夏魯仲孫蔑衛孫林父會吳于善道秋晉侯宋公陳侯魯侯衛侯鄭伯曹伯莒子邾子滕子薛

伯齊世子光吳人鄧人會于戚

按春秋襄公五年 按左傳五年夏吳子使壽越如

晉辭不會于雞澤之故且請聽諸侯之好晉人將爲之合諸侯使魯衛先會吳且告會期故孟獻子孫文

子會吳于善道九月丙午盟于戚會吳且命成陳也

靈王九年春晉侯宋公魯侯衛侯曹伯莒子邾子滕子薛伯杞伯小邾子齊世子光會吳于相

按春秋襄公十年 按左傳十年春會于相會吳子壽夢也

壽夢也

靈王十一年秋九月吳子乘卒子遏立

按春秋襄公十二年 按左傳十二年秋吳子壽夢卒臨於周廟禮也

卒臨於周廟禮也

靈王十二年秋吳侵楚

按春秋不書 按左傳襄公十三年秋吳侵楚養由基奔命子庚以師繼之養叔曰吳乘我喪謂我不能

師也必易我而不戒子爲三覆以待我我請誘之子

庚從之戰於庸浦大敗吳師獲公子黨君子以吳爲

不弔詩曰不弔昊天亂靡有定

靈王十三年春正月晉士句齊崔杼宋華閱魯季孫

宿叔老衛北宮括鄭公孫蠆曹人莒人邾人滕人薛

人杞人小邾人會吳于向秋楚公子貞帥師伐吳

按春秋襄公十四年 按左傳十四年春吳告敗于

晉會于向爲吳謀楚故也范宣子數吳之不德也以

退吳人吳子諸樊既除喪將立季札季札辭曰曹宣

公之卒也諸侯與曹人不義曹君將立子臧子臧去

之遂弗爲也以成曹君君子曰能守節義嗣也誰敢奸君有國非吾節也札雖不才願附於子臧以無失節固立之棄其室而耕乃舍之秋楚子爲庸浦之役故子囊師於棠以伐吳吳不出而還子囊殿以吳爲不能而弗傲吳人自臯舟之隘要而擊之楚人不

能相救吳人敗之獲楚公子宜穀

按史記吳太伯世家二十五年王壽夢卒壽夢有子四人長曰諸樊次曰餘祭次曰餘昧次曰季札季札

賢而壽夢欲立之季札讓不可於是乃立長子諸樊攝行事當國王諸樊元年諸樊已除喪讓位季札季

札謝曰曹宣公之卒也諸侯與曹人不義曹君將立

子臧子臧去之以成曹君君子曰能守節矣君義嗣

誰敢干君有國非吾節也札雖不材願附於子臧之

義吳人固立季札季札棄其室而耕乃舍之

按吳越春秋吳子壽夢二十五年壽夢病將卒有子

四人長曰諸樊次曰餘祭次曰餘昧次曰季札季札

賢壽夢欲立之季札讓曰禮有舊制奈何廢前王之

禮而行父子之私乎壽夢乃命諸樊曰我欲傳國及

札爾無忘寡人之言諸樊曰周之太王知西伯之聖

廢長立少王之道與今欲授國於札臣誠耕於野王

曰昔周行之德加於四海今汝於區區之國荆蠻之

鄉奚能成天子之業乎且今子不忘前人之言必授

國以次及於季札諸樊曰敢不如命壽夢卒諸樊以

適長攝行事當國政吳王諸樊元年已除喪讓季札

曰昔前王未薨之時嘗晨昧不安吾望其色也意在

於季札又復三朝悲吟而命我曰吾知公子札之賢

欲廢長立少重發言於口雖然我心已許之然前王不忍行其私計以國付我我不敢不從命乎今國者子之國也吾願達前王之義季札謝曰夫適長當國非前王之私乃宗廟社稷之制豈可變乎諸樊曰苟可施於國何先王之命有太王改爲季歷二伯來入荆蠻遂城爲國周道就成前人誦之不絕於口而子之所習也札復謝曰昔曹公卒庶存適亡諸侯與曹人不義而立於國子臧聞之行吟而歸曹君懼將立子臧子臧去之以成曹之道札雖不才願附子臧之義吾誠避之吳人固立季札季札不受而耕於野吳人舍之諸樊驕恣輕慢鬼神仰天求死將死命弟餘祭曰必以國及季札乃封季札於延陵號曰延陵季子

靈王二十二年吳娶于晉

按春秋不書 按左傳襄公二十三年晉將嫁女於吳齊侯使析歸父滕之

靈王二十三年夏楚子伐吳

按春秋襄公二十四年 按左傳二十四年夏楚子爲舟師以伐吳不爲軍政無功而還吳人爲楚舟師之役故召舒鳩人舒鳩人叛楚楚子師於荒浦使沈尹壽與師祁犁讓之舒鳩子敬逆二子而告無之且請受盟二子復命王欲伐之蓬子曰不可彼告不叛且請受盟而又伐之伐無罪也姑歸息民以待其卒卒而不貳吾又何求若猶叛我無辭有庸乃還

靈王二十四年秋八月楚屈建帥師滅舒鳩冬十二月吳子遏伐楚門子巢卒弟餘祭立

按春秋襄公二十五年 按左傳二十五年秋楚蓬子馮卒屈建爲令尹屈蕩爲莫敖舒鳩人卒叛楚令

尹子木伐之及離城吳人救之子木遽以右師先子疆息桓子捷子駢子孟帥左師以退吳人居其間七日子疆曰久將墊隘隘乃禽也不如速戰請以其私卒誘之簡師陳以待我我克則進奔則亦視之乃可以免不然必爲吳禽從之五人以其私卒先擊吳師吳師奔登山以望見楚師不繼復逐之傳諸其軍簡師會之吳師大敗遂圍舒鳩舒鳩潰八月楚滅舒鳩冬十二月吳子諸樊伐楚以報舟師之役門子巢巢牛臣曰吳王勇而輕若啓之將親門我獲射之必殪是君也死疆其少安從之吳子門焉牛臣隱於短牆以射之卒

按史記吳太伯世家十三年王諸樊卒有命授弟餘祭欲傳以大必致國於季札而止以稱先王壽夢之意且嘉季札之義兄弟皆欲致國令以漸至焉季札封於延陵故號曰延陵季子

景王元年吳子使札聘于魯夏五月閻弑吳子餘祭弟夷末立

按春秋襄公二十九年 按左傳二十九年夏五月吳人伐越獲俘焉以爲閻使守舟吳子餘祭觀舟閻以刀弑之六月吳公子札來聘見叔孫穆子說之謂穆子曰子其不得死乎好善而不能擇人吾聞君子務在擇人吾子爲魯宗卿而任其大政不慎舉何以堪之禍必及子請觀於周樂使工爲之歌周南召南曰美哉始基之矣猶未也然勤而不怨矣爲之歌邶鄘衛曰美哉淵乎憂而不困者也吾聞衛康叔公之德如是是其衛風乎爲之歌王曰美哉思而不懼其周之東乎爲之歌鄭曰美哉其細已甚民弗堪也

是其先亡乎爲之歌齊曰美哉泱泱乎大風也哉表東海者其太公乎國未可量也爲之歌邶曰美哉蕩乎樂而不淫其周公之東乎爲之歌秦曰此之謂夏聲夫能夏則大大之至也其周之舊乎爲之歌魏曰美哉風風乎大而婉險而易行以德輔此則明主也爲之歌唐曰思深哉其有陶唐氏之遺民乎不然何憂之遠也非令德之後誰能若是爲之歌陳曰國無主其能久乎自鄆以下無譏焉爲之歌小雅曰美哉思而不貳怨而不言其周德之衰乎猶有先王之遺民焉爲之歌大雅曰廣哉熙熙乎曲而有直體其文王之德乎爲之歌頌曰至矣哉直而不倨曲而不屈邇而不偏遠而不攜遷而不淫復而不厭哀而不愁樂而不荒用而不匱廣而不宣施而不費取而不貪處而不底行而不流五聲和八風平節有度守有序盛德之所同也見舞象箭南籥者曰美哉猶有憾見舞大武者曰美哉周之盛也其若此乎見舞韶護者曰聖人之弘也而猶有慙德聖人之難也見舞大夏者曰美哉勤而不德非禹其誰能修之見舞韶箭者曰德至矣哉大矣如天之無不疇也如地之無不載也雖甚盛德其蔑以加於此矣觀止矣若有他樂吾不敢請已其出聘也通嗣君也故遂聘於齊說晏平仲謂之曰子速納邑與政無邑無政乃免於難齊國之政將有所歸未獲所歸難未歇也故晏子因陳桓子以納政與邑是以免於樂高之難聘於鄭見子產如舊相識與之縞帶子產獻紆衣焉謂子產曰鄭之執政侈難將至矣政必及于子爲政慎之以禮不然鄭國將敗適衛說遽緩史狗史鰌公子荊公叔發公

子朝曰衛多君子未有患也自衛如晉將宿於戚聞鐘聲焉曰異哉吾聞之也辯而不德必加於戮夫子獲罪於君以此懼猶不足而又何樂夫子之在此也猶燕之巢於幕上君又在殯而可以樂乎遂去之

文子聞之終身不聽琴瑟適晉說趙文子韓宣子魏獻子曰晉國其萃於三族乎說叔向將行謂叔向曰吾子勉之君侈而多良大夫皆富政將在家吾子好直必思自免於難按公羊傳二十九年夏吳子使札來聘吳無君無大夫此何以有君有大夫賢季子也何賢乎季子讓國也其讓國奈何謂也餘祭也夷昧也與季子同母者四季子弱而才兄弟皆愛之同欲立之以爲君謂曰今若是迕而與季子國季子猶不受也請無與子而與弟兄迭爲君而致國乎季子皆曰諾故諸爲君者皆輕死爲勇飲食必祝曰天苟有吳國尚速有悔於予身故謂也死餘祭也立餘祭也死夷昧也立夷昧也死則國宜之季子者也季子使而亡焉僚者長庶也即之季子使而反之而君之爾闔廬曰先君之所以不與子國而與弟者凡爲季子故也將從先君之命與則國宜之季子者也如不從先君之命與則我宜立者也僚焉得爲君乎於是使專諸刺僚而致國乎季子季子不受曰爾殺吾君吾受爾國是吾與爾爲篡也爾殺吾兄吾又殺爾是父子兄弟相殺終身無已也去之延陵終身不入吳國故君子以其不受爲義以其不殺爲仁

按史記吳太伯世家季札之初使北過徐君徐君好季札劍口弗敢言季札心知之爲使上國未獻還至徐徐君已死於是乃解其寶劍繫之徐君冢樹而去

從者曰徐君已死尚誰予乎季子曰不然始吾心已許之豈以死倍吾心哉

景王三年冬十一月吳子使屈狐庸聘于晉

按春秋不書按左傳襄公三十一年冬吳子使屈狐庸聘于晉通路也趙文子問焉曰延州來季子其果立乎巢隕諸樊闔閭戕賊吳天似啓之何如對曰不立是二王之命也非啓季子也若天所啓其在今嗣君乎甚德而度德不失民度不失事民親而事有序其天所啓也有吳國者必此君之子孫實終之季子守節者也雖有國不立

景王七年秋七月楚子蔡侯陳侯許男頓子胡子沈子淮夷伐吳遂滅賴冬吳伐楚

按春秋昭公四年吳伐楚不書按左傳襄公二十八年齊慶封來奔獻車於季武子美澤可以鑑展莊叔見之曰車甚澤人必瘁宜其亡也叔孫穆子食慶封慶封汜祭穆子不說使工爲之誦茅鴟亦不知既而齊人來讓奔吳吳句餘予之朱方聚其族焉而居之富於其舊子服惠伯謂叔孫曰天殆富淫人慶封又富矣穆子曰善人富謂之賞淫人富謂之殃天其殃之也其將聚而殲旃昭公四年秋七月楚子以諸侯伐吳宋太子鄭伯先歸宋華費遂鄭大夫從使屈申圖朱方八月甲申克之執齊慶封而盡滅其族將戮慶封椒舉曰臣聞無瑕者可以戮人慶封唯逆命是以此其肯從於戮乎播於諸侯焉用之王弗聽負之斧鉞以徇於諸侯使言曰無或如齊慶封弑其君弱其孤以盟其大夫慶封曰無或如楚共王之庶子圍弑其君兄之子麇而代之以盟諸侯王使速殺

之遂以諸侯滅賴賴子面縛銜壁士袒輿觀從之造於中軍王問諸椒舉對曰成王克許許僖公如是王親釋其縛受其璧焚其觀王從之遷賴於郢楚子欲遷許於賴使闔閭韞與公子棄疾城之而還申無宇曰楚禍之首將在此矣召諸侯而來伐國而克城竟莫校王心不違民其居乎民之不處其誰堪之不堪王命乃禍亂也冬吳伐楚入棘櫟麻以報朱方之役楚沈尹射奔命於夏汭箴尹宜咎城鍾離薳啓疆城巢然丹城州來東國水不可以城彭生罷賴之師

按史記吳太伯世家王餘祭三年齊相慶封有罪自齊來奔吳吳子慶封朱方之縣以爲奉邑以女妻之富於在齊七年楚公子圍弑其王夷敖而代立是爲靈王十年楚靈王會諸侯而以伐吳之朱方以誅齊慶封吳亦攻楚取三邑而去

索隱曰春秋經襄公二十五年吳子遏卒二十九年闔閭殺吳子餘祭昭十五年吳子夷末卒是餘祭立四年餘祭在位十七年系家倒錯二王之年此七年正是餘祭之三年

景王八年冬楚子蔡侯陳侯許男頓子沈子徐人越人伐吳

按春秋昭公五年按左傳五年冬十月楚子以諸侯及東夷伐吳以報棘櫟麻之役遽射以繫揚之師會於夏汭越大夫常壽過帥師會楚子於墳聞吳師出遽啓疆帥師從之遽不設備吳人敗諸鵲岸楚子以駟至於羅汭吳子使其弟蹇由偏師楚人執之將以曼鼓王使問焉曰女卜來吉乎對曰吉寡君聞君將治兵於敝邑卜之以守龜曰余亟使人犒師請行

以觀王怒之疾徐而爲之備尚克知之龜兆告吉曰
克可知也君若驩焉好逆使臣滋敝邑休怠而忘其
死亡無日矣今君奮焉震電馮怒虐執使臣將以鼙
鼓則吳知所備矣敝邑雖羸若早修完其可以息師
難易有備可謂吉矣且吳社稷是卜豈爲一人使臣
獲釐軍鼓而敝邑知備以禦不虞其爲吉孰大焉國
之守龜其何事不卜一臧一否其誰能常之城濮之
兆其報在郟今此行也其庸有報志乃弗殺楚師濟
於羅汭沈尹赤會楚子次於萊山蓬射師繁揚之師
先入南懷楚師從之及汝清吳不可入楚子遂觀兵
於坻箕之山是行也吳早設備楚無功而還以厥由
歸楚子懼吳使沈尹射待命於巢蓬啓疆待命於雩
婁禮也

按史記吳太伯世家王餘祭十一年楚伐吳至雩婁
景王九年秋九月楚蓬罷帥師伐吳

按春秋昭公六年 按左傳六年秋九月徐儀楚聘
於楚楚子執之逃歸懼其叛也使蓬洩伐徐吳人救
之令尹子蕩帥師伐吳師於豫章而次於乾谿吳人
敗其師於房鍾獲宮廐尹棄疾子蕩歸罪於蓬洩而
殺之

按史記吳太伯世家王餘祭十二年楚復來伐次於
乾谿楚師敗走十七年王餘祭卒弟餘昧立

按左傳春秋襄二十九年經曰闔閭殺吳子餘祭
合在季札聘魯之前倒錯於此

王餘昧二年楚公子弃疾弑其君靈王

按左傳春秋昭公十五年也

景王十八年春正月吳子夷末卒子僚立

按春秋昭公十五年

按史記吳太伯世家四年王餘昧卒欲授弟季札季
札讓逃去於是吳人曰先王有命兄卒弟代立必致
季子季子今逃位則王餘昧後立今卒其子當代乃
立王餘昧之子僚爲王

按左傳昭公十七年 按左傳十七年冬吳伐楚陽
句爲令尹卜戰不吉司馬子魚曰我得上流何故不
吉且楚故司馬令龜我請改卜令曰鮒也以其屬死
之楚師繼之尚大克之吉戰于長岸子魚先死楚師
繼之大敗吳師獲其乘舟餘皇使隨人與後至者守
之環而暫之及泉盈其隄炭陳以待命吳公子光請
於其衆曰喪先王之乘舟豈唯光之罪衆亦有焉請
藉取之以救死衆許之使長鬚者三人潛伏於舟側
曰我呼餘皇則對師夜從之三呼皆迭對楚人從而
殺之楚師亂吳人大敗之取餘皇以歸

按史記吳太伯世家王僚二年公子光伐楚敗而亡
王舟光懼襲楚復得王舟而還

按春秋不書 按左傳昭公二十年春王二月費無
極言於楚子曰建與伍奢將以方城之外叛自以爲
猶宋鄭也齊晉又交輔之將以害楚其事集矣王信
之問伍奢伍奢對曰君一過多矣何信於讒王執伍
奢使城父司馬奮揚殺太子未至而使遺之三月太
子建奔宋王召奮揚奮揚使城父人執已以至王曰
言出於余口入於爾耳誰告建也對曰臣告之君王

命臣曰事建如事余臣不佞不能荷貳奉初以還不
忍後命故遣之既而悔之亦無及已王曰而敢來何
也對曰使而失命召而不來是再好也逃無所入王
曰歸從政如他日無極曰奢之子材若在吳必憂楚
國蓋以免其父召之彼仁必來不然將爲患王使召
之曰來吾免而父蒙君尚謂其弟員曰爾適吳我將
歸死吾知不逮我能死爾能報聞免父之命不可以
莫之奔也親戚爲戮不可以莫之報也奔死免父孝
也度功而行仁也擇任而往知也知死不辟勇也父
不可棄名不可廢爾其勉之相從爲愈伍尚歸奢聞
員不來曰楚君大夫其肝食乎楚人皆殺之員如吳
言伐楚之利於州于公子光曰是宗爲戮而欲反其
讎不可從也員曰彼將有他志余姑爲之求士而鄙
以待之乃見縛設諸焉而耕於鄙

按注州子僚

按史記吳太伯世家王僚五年楚之亡臣伍子胥來
奔公子光客之公子光者王諸樊之子也常以爲吾
父兄弟四人當傳至季子季子即不受國光父先立
即不傳季子光當立陰納賢士欲以襲王僚伍子胥
之初奔吳說吳王僚以伐楚之利公子光曰胥以父
兄爲僂於楚欲自報其仇耳未見其利於是伍員知
光有他志乃求勇士專諸見之光光喜乃客伍子胥
子胥退而耕於野以待專諸之事

按吳越春秋楚平王有太子名建平王以伍奢爲太
子太傅費無忌爲少傅平王使無忌爲太子娶於秦
秦女美容無忌報平王曰秦女天下無雙王可自取
王遂納秦女爲夫人而幸愛之生子珍而更爲太子
娶齊女無忌因去太子而事平王深念平王一旦卒